

«Aurten sagardotegi-dolare izendapena lortuko dugulakoan nago»

AGINAGAKO Illunbe sagardotegi-koak hartu du lekua aurten Gipuzkoako Sagardogile Elkarteko lehendakaritzan. Helburu garrantzitsuentzat jarri zuena lortzeko zorian da: sagardogileak eta sagardoa saltzen duten lekuak bereziko dituen izendapena.

■ **Aurten eguraldiak ez ei du sagar ona izaten lagundu.**

Sagarra ondo etorri da eta sagardoa ondo etorriko den esperantza dut, Galiziatik eta Asturiastik oso sagardo ona etorri da. Bertakoa asko usteldu zen arbolan, baina ondo geratu zena ona atera zen ordea. Txarra datorren sagarra sagastian utzi behar izaten da. Askok usteldu izanak ez du esan nahi sagardo txarra datorrenik, asko arbolan bertan usteldu baitzen.

■ **Zertan da sagardotegiak eta sagardoa egiten duten tokiak bereizten dituen izendapenarena?**


Sagardotegiak eta sagardoa egiten duten tokiak bereiztea da gure asmoa, eta horretarako agian sagardotegi-dolare izendapena erabiliko dugu. Lehenbaiten ateratzea nahiko gertuko, baina aldez aurretik Euskaltzaindiarekin kontsultatu nahi dugu, ea izen hori edo besteren bat egokiago den. Guk nahiko egokia ikusten dugu, zerbait behar dugula nabarmena da. Leku batzuek sagardoa ez egin arren sagardotegi izena dute, eta guk ezin diegu haien izen hori kendu. Bodegak zeintzuk diren jakiteko dolare ezagarrria jarriko dugu. Hori gure arazoa da eta guk zuzendu behar dugu, lehenago ez egin izana da kaltea. Laster aterako dugulakoan nago.

■ **Txotx garaiko berotasuna pasatu ondoren, urtean zehar zein lan du egiteko Gipuzkoako Sagardogileen Elkartek?**

Arazo asko izan ohi dira; duela gutxi bilera izan dugu Kontsumo Sailekoekin sagardoaren parametroak erabaki ahal izateko, azido malla, taninoak, alkohol gradua... Gauza asko dago kontrolatzeko, eta horretarako araudi bat egiten ari gara; botila bat hartu eta ondo dagoen edo ez dagoen esan ahal izateko, beharrezkoa da parametroak ezartzea. Gauza asko daude egiteko oraindik, sagardo botilak Laudion egitea nahi dugu. Elkarte bezala ziri garalan ez dugu ezer egiten, gauza gehiago egiten ditugu txotx garaitik kanpo: sagardo dastaketak, Donostiako Sagardo Eguna, Usurbilgoa, promozioa, sagarrondoaren arazoak aztertzea... mila gauza dira.

■ **Prezioetan aldaketarik izango al da aurten?**

Txotxekoak lazko prezioan izango da, sagardotegiak haragia jartzen



Joxe Angel Illunbek dioenez, Gipuzkoako Sagardogile Elkartek lan handiagoa du txotxeko garaitik kanpo.

EDURNE KOCH

baldin badu 600 pezeta eta beste- la 800 pezeta, ziriak gain zerbitzua ere ordaintzen baitu. Baita, aldez, datorren hilabetetik aurrera jazkoa baino duro bat gehiago izango da, 135 pezeta inguru.

■ **Elkartek jartzen dituen prezioak bere horretan al dira?**

Guk prezio bat jartzen dugu eta ahal dela errespetatu ego behar da prezio hori. Urterean bat baino oso sagardo ona izan baldin badugu, hala egokitu denean gehiago kobratzen salatu izan gara. Baina normalean elkartek jarritako prezioa errespetatzen salatu izan gara.

■ **Ja urteroko kontua bilakatu da sagardogileen lehenengo...**

Label kontua baino garrantzitsuagoa da hemengo sagarra ona biltzeko mentalizatzea. Ona biltzen denean eta ona egiten denean, orduan izango da aukeraren bat. Labela ez dute ikusten laster lortzeko gauza, askoz garrantzi-

tsuagoa da niretzat sagar ona bildu eta sagar mota onak landatzea. Laguntza behar da sagar mota onak aukeratzeko, lan hori egiteko pertsona bat behar da. Zerbait badago baina fundamente handirik ez; bada Diputazioan talde txiki bat, baina gehiago beharko litzateke.

■ **Azkenaldion zenbait sagardogile kexu dira Osasun Sailekoen azterketak direla eta.**

Normala da osasun azterketak egitea. Sagardotegiak instalazio aldetik asko hobetu behar dutela ikusten dut, ez da orain dela 10 urte bezala sagardotegira joan eta ukulluan sartu; ez da posible, sagardotegia txukun jarri behar da eta behar den bezala. Isunik ez da izan orain arte, baina bidean dira. Sagardotegiak behar diren bezala jarri behar direla, jarri behar ditugula, jabetu behar dugu denok.

■ **Aurten Gipuzkoako Sagardogileen Elkarteko lehendakari aukeratu zaituzte. Lan horretan jarri al diozu zure buruari betebeharririk?**

Beharrezko bat bereizgarria lortzea zen eta hori, aurretik ez bezala, ia-ia lortu dugu. Beste helburu asko daude lortzeko, botila Laudion egitea lortzea garrantzitsua litzateke, baita hemen sagar mota onak landatzea ere. x

PETRITEGUI
 OTAÑO Anaiak

SAGARDOAK
 ☎ 45 71 88 20115 - ASTIGARRAGA (Gipuzkoa)


GARTZIATEGI
 ★★★★★ *Sagardotegia* ★★★★★
BITTOR LIZEAGA
 GARTZIATEGI Baserria Tf.: 46 96 74
 A S T I G A R R A G A 46 77 16

LIZEAGA
SAGARDOAK
 edan eta eman edatera

 Sagardoaren libilidea, 1 - GARTZIATEGI BASERRIA
 ☎ 46 82 90 - ASTIGARRAGA